

miratus sunt *Touars* ad *Tovium* Fluvium, *Brasse*, *Bridieres*, *Roche-Chouart*. Baronatus Dominiique honore insignita sunt Opida non pauca, quæ turbato, ut in oculos veniunt & mentem, ordine ponam: *Manlers*, ubi piscatio Salmonum, Alosarum, quæ Culpeæ olus, Balænarum & Asellorum præcipue, qui arefacti vento-que & frigore indurati in varias regiones solent exportari: *Partenay*, *S. Maxent*, *Melle*, *Chizay*, *Chauvigny*, *Lussac*, *Bressuyre*, *Charrou*, *Casteneraye*, *S. Mesmin*, *S. Gillis*, *Chasteaumur*, *les Sables d' Aulonne*, *S. Hermine*, *Montaigu*. Opidum cum Arce, Salinis nobile: *Mirebeau*, *la Motte*, *S. Beraye*, *Vouvant*, *S. Hilaire*, *Mortemer*, *Luzaz*, *S. Savin*, *l'Isle Jourdain*, *S. Benoist du Saulx*, *Bourg-neuff*, *Meroul*, *Mervant*, *Brige*, *Vouven*, *Villetaignaux*, & alia. Fuisse & in Pictonibus *Limonum* colligitur ex Antonini itinere quod *Burdigala* ducitur *Augustodunum*: *Limonon* prolemæo; In Tabula Itineraria scribitur *Lomounum*. Illud magni Viri putant idem esse transnominatone *Flumina*. quadam, cum *Augustorito*, *Poitiers*. Nihil audemus hic affirmare. *Limoni* mentio in Commentario A. Hirtii *Opera publica*. ter: ubi tamen quidam Libri *Lemovicum* contra fidem & auctoritatem Manuscriptorum Codicum præferunt. Fluvii quibus irrigatur sunt *Clanvus*, *Vigenna*, nunc *Vienna*. *Vendens*, & alii, qui Piscum magnam subministrant copiam. Silentio non est hic prætereundum Amphitheatrum apud *rictones* *Pago Dova*o adjacens, manu quidæ & arte humana factum, sed ita, ut videri possit a natura, totum enim excisum & excavatum est in Monte, sine externa ulla Materiatione Calcis, Lapidis; Ligni. Montis ipsius & *Amphitheatri* plenissima est delineatio, ex fide *Levini Kersmakeri*, Consulis quondam *Zirickzai*, *Zelandiæ*que primis hujus belli Motibus Gubernatoris apud Iustum Lipsium Libello de Amphitheatris quæ extra Romam cap. vi. qui *Pagum Dovaum* addit aliquid amplius olim fuisse, cum ex eo non pagani Operis argumento, tum ex Viæ antiquæ publicæque reliquiis, quæ ex pago eodem pertinuit ad *Pontem Cesarianum*, vulgo *Pont du Sey*, cujus Viæ pars adhuc variis locis conspicitur, pars autem maxima corrupta est, Lapidibus in ædificia varie absumtis aut avectis. Medio circiter ab Vrbe pictavia milliari, itinere, quod *Avaricum* *Biturigum* ducit, in Via Regia ingens spectatur Saxum, forma quadratum, quinque lapidibus fulcitum, unde vulgo *la Pierre Levée*. De eo Distichon hoc exstat:

*Hic Lapis ingentem superat gravitate Colossum.*

*Ponderis, & grandi Sydera Mole petit.*

Status Ecclesiasticus habet Episcopatus tres, qui sub sunt *Tolosano* Archiepiscopo: *Pictaviensem Poitiers*, in *Mores* quo sunt Abbatix 27. *Lucionensem*, *Lucon*, sive *Lusson*, in quo sunt Abbatix decem: *Mallacensem* sive *Maliacensem*, *Mailezay*, in quo sunt Abbatix 4. Ad mores venio. Agricola non nihil habet peculiaris Linguae: quibus qui parum fident, sapere perhibent. Hominum genus, quod, Feras prohibitum, Lites venatur: contentiosum, & in simpulo fluctus excitare gnarum. Urbani dissimilis plane genii & ingenii, faciles, benefici, liberales, candidi, fucos & imposturas detestantes, Eruditionis & Eruditionum, qui hic non pauci, amantes. Nobilitas provida strenua audentior.